



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Erectionis Seminarii Form. I.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

TITULUS XII.

De variis Provisionibus.

Erectionis Seminarii.

FORMULA I.

SUMMARIUM.

- 1 Deputati pro gubernio Seminarii necessarii sunt eligendi ad formam Concilii, quorum consilio Episcopus uti debet.
- 2 Seminarium dicitur formaliter erectum, quoties alumni in aliqua Domo etiam

- conduca collegialiter vivant.*
- 3 Episcopus primo loco debet ex fructibus Mensæ pro mantentione Seminarii contribuere.
 - 4 Regulares an pro unione Beneficiorum teneantur Seminario contribuere, & num. 5.
 - 6 Beneficia secularia, quæ Decimas Papales non solvunt, nec Seminario contribuere debent.
 - 7 Taxa pro contributione Seminarii est reducenda, diminutis fructibus Beneficii taxati.

Nos &c. Episcopus &c.

CUM in hac Civitate, & Diœcesi N. nullum Seminarium, sive Collegium Ecclesiasticum Puerorum juxta Concilii Tridentini dispositionem erectum & institutum existat, adolescentiumque ætas, nisi rectè instruat, bonisque moribus, & disciplinis imbuatur, ad Mundi voluptates amplectendas prona existat, & nisi à teneris annis ad pietatem, Religionemque informetur, antequam vitiorum habitus totos eos possideat, numquam perfectè sine singulari propemodum Dei Omnipotentis auxilio in disciplina Ecclesiastica perseverat. Et pro Decreti conciliaris complemento, si in hac Civitate præfatum Seminarium pro uno illius Rectore, & competenti adolescentium numero, qui Grammatices, Cantus, computus Ecclesiastici, aliarumque bonarum artium disciplinam, Sacramque Scripturam, Libros Ecclesiasticos, Homilias Sanctorum, atque Sacramentorum tradendorum, ac Rituum, & Cœremoniarum formas edificere debeant, & teneantur, perpetuò erigatur; ex hoc profectò ipsi adolescentes, ad Sacros Rituum, & Cœremonias exercendas promptiores redderentur, Divinique Cultus augmento, diætæque Civitati decori cum illius Civium, & Incolarum utilitate plurimum in Domino consulatur. Hinc est, quod in nomine ejus, qui Nos confortat, in præmissis opportunè providendo cum consilio N. & N. nostræ Cathedralis graviorum Canoniorum (quos pro regimine, & gubernio Seminarii erigendi Deputatos eligimus) in hac Civitate in *Domibus N.* in via N. unum Seminarium Puerorum Ecclesiasticum pro uno illius Rectore, & competenti numero adolescentium nostræ Diœcesis requisita à Sac. Concil. Trid. præscripta habentium perpetuis usu, & habitatione, qui Grammatices, Cantus, computus Ecclesiastici, aliarumque bonarum artium disciplinam, Sacram Scripturam, necnon Libros Ecclesiasticos, atque Homilias Sanctorum, atque ut præfertur Sacramentorum tradendorum, quæ videbuntur opportuna, ac Rituum, & Cœremoniarum for-

formas edificant, perpetuò erigimus, & instituimus; illique sic erecto & instituto, pro ejus Dote, illiusque Rectoris, & Alumnorum sustentatione bona N.... assignamus, & appropriamus, ita quod liceat Rectori, & Scholaribus pro tempore existentibus per se, vel alium, sive alios etiam dicti Seminarii nomine propria auctoritate corporalem, realem, & actualem possessionem dictorum bonorum, illorumque fructuum, reddituum, & proventuum liberè apprehendere, & apprehensam perpetuò retinere, eisdem fructus, & redditus percipere, levare, ac in suos, & dicti Seminarii usus, & utilitatem convertere, cujusvis licentia desuper minimè requisita. Et ita in executionem Decreti Concilii Trid. sess. 23. cap. 18. de Reformatione erigimus, instituimus, & bona respectivè assignamus omni &c.

N. Episcopus N.

Lectum, latum, & publicatum fuit præsens Decretum erectionis Seminarii in Civitate N. in Palatio Episcopali in mansionibus Dominationis Suae Illustrissime die mensis anni præsentibus, N. & N. ad id pro Testibus specialiter adhibitis, atque rogatis.

Ita est N. Cancellarius Episcopalis.

Quando verò bona assignata pro sustentatione Seminarii sufficientia non sunt & proinde necessarium sit, quod conficiatur Taxa Beneficiorum, tunc Episcopus eligit ex parte sua unum de Capitulo, & alium de Clero, & mandat alios duos Consultores à Capitulo, & Clero respectivè deputari ad formam Concilii, quatenus in Synodo non reperiantur jam electi, & in Decreto erectionis post verba illa *Cujusvis licentia de super minimè requisita*, prosequendo addat. *Et quia pro sustentatione Magistrorum Grammatica, Cantus, aliarumvè bonarum artium, & sustentatione Puerorum, ac mercede inservientium, bona, & redditus, ut supra assignata non sufficiunt: Ideo ut portio aliqua ex fructibus nostræ Mensæ, & aliorum quorumcumque Beneficiorum etiam Regularium Civitatis, & Diœcesis probè ad supplendum dictis expensis ad formam Sac. Concilii detrahatur, & etiam Collegio applicetur, pro conficienda Taxa Rev. D. Canonici N. de Capitulo, & R. N. de Clero ex parte nostra in Consultores eligimus, & deputamus; mandamusque, quod alii duo, alter per Capitulum, & alter per Clerum infra terminum eligantur.*

ADNOTATIONES.

1. **D**EPUTATOS ELIGIMUS Deputat pro gubernio Seminarii perneceffe ad formam præscriptam à Concilio eligendi sunt, quorum consilium Episcopus requirere debet, (licet sequi non teneantur) tam in constituendis regulis, quam in electione, admissione, & expulsionem puerorum, sicuti in deputatione magistrorum, visitatione, & rerum temporalium administratione, ut respondit Sac. Congr. Concilii in Salernitana, quam referunt Ventrigil. *prax. p. 2. adnot. 29. §. unic. n. 6. 9. & 10. Chrisp. de Visit. p. 2. §. 31. n. 6. qui*

sine causa nec amoveri possunt, Barbof. *de offc. & pot. Episc. alleg. 77. n. 31. & 33. Nicol. in fosc. verb. Seminarium post n. 12. & sæpè declaravit Sac. Congr. cujus Decreta congerit Pignatell. consult. 36. n. 9. tom. 8.*

2. **I**N DOMIBUS N. Non est necesse, quod habitatio, sive Domus localis materialis sit propria Seminarii ad hoc, ut dicatur erectum; sed sufficit ad hunc effectum, quod sit habitatio præparata etiam conducta pro Alumnis, dummodo hi introducti sint, & ibidem collegialiter vivant, & hospitentur; tunc enim certa taxa super Beneficiis, sicuti & unio eorum constitui, & validè fieri po-

potest, quia Seminarium sic institutum est verè, & formaliter erectum, ad tradita per Garz. de benef. par. 12. cap. 2. n. 194. & 195. Lotter. de re benef. lib. 2. cap. 29. n. 51. Ventrigil. prax. p. 2. adnot. 29. §. unico n. 42. Rot. coram Coccin. decis. 1365. n. 1.

3. **EX FRUCTIBUS NOSTRÆ MENSÆ.** Virtute Decreti Concilii debet primùm Episcopus ex ejus Mensa Seminario ratam fructuum contribuere, & postea Capitulum, & cæteros ad id cogere, ut declaravit Sac. ejusdem Concilii Congr. supradictum cap. 18. sess. 23. de reform. Barb. de offc. & potest. Episcop. alleg. 77. n. 2. Corrad. prax. benef. lib. 4. cap. 8. n. 11. Ventrigil. prax. par. 2. adnotat. 29. §. unico n. 14. Ricc. dec. 196. n. 2. p. 4. & alia Decreta refert Pign. consul. 81. n. 96. i. 9.

4. **BENEFICIORUM ETIAM REGULARIUM.** Sac. Congr. Concilii declarando Text. in d. cap. 18. vers. -- non tamen mendicantium, olim respondit Fratres Mendicantes non teneri ad Seminarii contributionem, si non habeant Beneficia unita Monasteriis, pro quibus tunc habita ratione reddituum eorundem, solvere deberent.

5. At unio, ut Mendicantes cogi possint, est plenè probanda non per conjecturas, & præsumptiones, sed per gratiæ unionis expeditionem, Sac. Cong. Concil. in Cornetana 28. Julii 1696. in quia dubitatum quoque fuit, quod quatenus probata, fuisset unio, de qua non constabat, adhuc cum unio, quæ sit Monasteriis Mendicantium, dicatur extinctiva tituli, adeò ut Beneficium evadat alterius nature, amplius contributioni non subjaceret, & fuit per D. Secretarium allatum Decretum contrarium antiquo, de quo meminit Nicol. in fosc. verb. Seminarium num. 9. vers. Sacra quoque.

CUM Seminarium Ecclesiasticum in hac Civitate erectum, pro manutentione Puerorum, Magistrorum, & inservientium redditus sufficientes non habeat, eidem propterea congruè providere volentes, infra scriptam portionem seu partem fructuum nostræ Mensæ, & aliorum Beneficiorum Ecclesiasticorum hujus Civitatis, & Diocesis, Collegio prædicto applicandam cum consilio Consultorum Deputatorum ad formam Decreti Concilii cap. 18. sess. 23. de reform. auctoritate Nobis in eodem Decreto tributa detrahendam duximus, prout præsentis nostro Decreto pro nunc in quantitate infra scripta detrahimus,

taxa-

6. Beneficia verò secularia, quæ ob illorum fructuum tenuitatem Decimis Papalibus non contribuunt, neque contribuere tenentur Seminario, Nicol. in fosc. verb. Seminarium post n. 9. Sac. Cong. Concil. in Amalbitana 18. Julii 1699. in responsione ad 11. & 6. Febr. 1700. ubi agebatur de Ecclesiis Parochialibus Congruam non habentibus, & quæ Decimis Papalibus non contribuerant, & aliud Decretum allegat Pignat. conf. 81. nu. 138. tom. 9.

7. Vel si redditus Beneficii taxati post taxam factò Papæ, aut temporum injuria absque culpa Beneficiati notabiliter essent diminuti, taxa esset reducenda, & moderanda, quia onera sunt imponenda proportionaliter secundum facultates, Clem. 1. in fin. de Magistr. Rot. coram Seraph. dec. 942. n. 11. Sac. Cong. Conc. in Romana Taxa 26. Jan. 1696.

Decreti Taxæ Beneficiorum,

F O R M U L A II.

S U M M A R I U M .

- 1 Taxa beneficiorum pro manutentione Seminarii debet constitui cum consilio Deputatorum.
- 2 Deputatorum electio fit in Synodo, & extra Synodum.
- 3 Taxa fieri potest in actu erectionis Seminarii, vel antea.
- 4 Taxa constituitur in subsidium.
- 5 In taxanda portione Beneficiorum habenda est ratio ad onera eorundem, quæ prius deducenda sunt.
- 6 Taxa duorum cum dimidio, vel quatuor juxta loci ubertatem constitui potest.
- 7 Taxa potest augeri.